

Pontevedra, 30 de novembro de 2021

Dunha parte, o Sr. D. CARLOS LÓPEZ FONT, en calidade de deputado delegado na área de Recursos Humanos da Deputación Provincial de Pontevedra, con domicilio social en avda. Montero Ríos s/n de Pontevedra, CIF nº P3600000H e c.c.c. 36/0007436/66.

Doutra Dª. SUSANA FERNÁNDEZ LÓPEZ,

As partes teñen e recoñécense a capacidade legal necesaria para subscribir o presente contrato de alta dirección e para o efecto

#### EXPOÑEN

**PRIMEIRO:** No Boletín Oficial da Provincia de data 21 de setembro de 2021 publícase a convocatoria de provisión do posto de traballo, con rango de alto cargo, de directora ou director de proxectos europeos da Deputación Provincial mediante o sistema de libre designación e tendo en conta criterios de idoneidade, competencia profesional e experiencia.

Examinada a documentación das once persoas aspirantes que presentaron a solicitude dentro de prazo, o órgano técnico de valoración das solicitudes declara a idoneidade de seis candidatos para o desempeño do referido posto de alto cargo, en canto que reúnen os requisitos esixidos nas bases da convocatoria.

Con data 15 de novembro de 2021 a deputada delegada de Fondos Europeos propón o nomeamento de Dª. SUSANA FERNÁNDEZ LÓPEZ, Licenciada en Ciencias Políticas e persoal laboral fixo na Universidade de Vigo, en base ó seu currículo, formación académica, experiencia profesional e á valoración do seu proxecto de dirección e xestión de fondos e proxectos europeos.

**SEGUNDO.-** A interesada aportou e consta no expediente a documentación acreditativa de cumplir todos os requisitos esixidos para esta contratación laboral de alta dirección con rango de alto cargo.

**TERCEIRO.-** O presente contrato de alta dirección celébrase ó abeiro do establecido no Real decreto 1382/1985, de 1 de agosto, artigo 32 bis da Lei de Bases de Régime Local, introducido polo número 12 do artigo primeiro da Lei 27/2013, de 27 decembro, de Racionalización e Sustentabilidade da Administración Local, artigo 33 da Lei 2/2015, de 29 de abril, de Emprego Público de Galicia, artigo 13 do Real decreto lexislativo 5/2015, de 30 de outubro, polo que se aproba o texto refundido da Lei

do Estatuto Básico do Empregado Público, Regulamento orgánico da Deputación aprobado polo Pleno da Corporación Provincial celebrado o 30 de setembro de 2016 (Boletín Oficial da Provincia nº200 de data 19/10/2016) e demais normas que sexan de aplicación.

Na súa consecuencia, acordan a formalización do presente contrato conforme ás seguintes:

### CLÁUSULAS

**PRIMEIRA:** Dña. SUSANA FERNÁNDEZ LÓPEZ, comprométese á obriga de exercer por conta e baixo a dependencia da Deputación Provincial de Pontevedra os cometidos de directora de proxectos europeos baixo os principios de eficacia e boa fe, coa categoría profesional de licenciada.

**SEGUNDA:** O exercicio do cargo queda sometido á observancia dos seguintes principios, entre outros:

- a) Interese xeral: servirá con obxectividade ós intereses xerais.
- b) Integridade: actuará coa debida dilixencia e sen incorrer en risco de conflitos de intereses.
- c) Obxectividade: adoptará as súas decisións ó marxe de calquera factor que exprese posicións persoais, familiares, corporativas, ou calquera outra que poidan estar en colisión con este principio.
- d) Transparencia e responsabilidade: adoptará as súas decisións de xeito transparente e será responsable das consecuencias derivadas da súa adopción.
- e) Austeridade: xestionará os recursos públicos con eficiencia e racionalización do gasto.

**TERCEIRA: DURACIÓN.**- O presente contrato terá efectos dende o 1 de decembro de 2021. O cesamento neste posto directivo poderase producir por causas obxectivas vinculadas a unha avaliación negativa do desempeño, á perda da confianza ou a graves e continuadas dificultades de integración no equipo directivo, apreciadas pola deputada/o delegada/o da área de que dependa directamente ou por quien lle substitúa de producirse un cambio na estrutura organizativa. De ser o caso seranlle de aplicación as regras específicas para a extinción deste tipo de contrato.

**CUARTA:** A directiva estará suxeita a avaliación periódica conforme aos criterios de eficacia e eficiencia, responsabilidade pola súa xestión e control de resultados con relación aos obxectivos que lle foran fixados. O resultado desta avaliación determinará:

- a) A continuidade no posto que desempeñe.
- b) A contía da parte variable da retribución.

QUINTA: PERÍODO DE PROBA.- Determínase un período de proba de seis meses.

SEXTA: XORNADA E HORARIO.- A xornada de trabalho será a establecida con carácter xeral no Centro de traballo, a tempo completo e con dedicación, debendo estar dispoñible sempre que as necesidades do servizo a requirán.

SÉTIMA: VACACIONES.- A duración das vacacións anuais será de vinte e dous días hábiles ou a parte proporcional que corresponda segundo o período do contrato. Así mesmo, terá dereito ós permisos contemplados na lexislación laboral vixente así como ao goce de dez días ó ano de libre disposición e sen xustificación, sempre e cando as necesidades do servizo o permitan.

OITAVA: RETRIBUCIONES.- A contía da retribución será de 62.765,78 € brutos anuais, distribuídas en catorce pagas. Esta remuneración axustarase anualmente ó que dispoña a RPT de persoal directivo.

NOVENA: Os gastos de viaxe, desprazamento ou axudas de custo que xere polo desempeño da súa función serán aboados, previa xustificación por parte da interesada e de acordo co sinalado no Real decreto 462/2002, de 24 de maio de indemnizacións por razón do servizo.

DÉCIMA: Durante a vixencia do presente contrato, así como unha vez extinguido, a directiva non divulgará a calquera terceiro ou utilizará para o seu propio beneficio ou para calquera outra finalidade que non sexa en beneficio da Deputación de Pontevedra, calquera información confidencial recibida en virtude do desempeño da súa relación laboral ou coma consecuencia da mesma.

DÉCIMO PRIMEIRA: A directiva queda suxeita ao réxime disciplinario previsto para o persoal funcionario.


DÉCIMO SEGUNDA: A directiva estará sometida á normativa de incompatibilidades do persoal ó servizo das Administracións Públicas, e noutras normas estatais ou autonómicas que resulten de aplicación.

DÉCIMO TERCEIRA.- En todo ó non previsto neste contrato estarase ao disposto na lexislación vixente que resulte de aplicación e concretamente no Real decreto 1382/1985, de 1 de agosto, polo que se regula a Relación Laboral de Carácter Especial del persoal de Alta Dirección e demais normas de pertinente aplicación, estando excluído do ámbito de aplicación do V Acordo Regulador de persoal funcionario e do I Convenio Colectivo de persoal laboral.

Así o din e outorgan, no cal se afirman e ratifican, asinando o presente contrato, en proba de


conformidade, no lugar e data ut supra.

O DEPUTADO,



Asdo.: Carlos López Font

A TRABALLADORA,



Asdo.: Susana Fernández López